

Meeqqamik paarisassamik inissiinermi sulinngiffeqartarneq pillugu Namminersorlutik Oqartussat nalunaarutaat nr. 3, 26. februar 2010-imeersoq

Naartunermi, erninermi meeravissartaarnermilu sulinngiffeqartarneq ullormusiaqartarnerlu pillugit Inatsisartut inatsisaat nr. 14, 7. december 2009-imeersoq § 14, imm. 5 tunngavigalugu imatut aalajangersaavigineqarpoq:

Meeqqamik paarisassamik inissiinermut atatillugu sulinngiffeqartarneq

§ 1. Meeqqanik inuusuttunillu ikiorsiisarneq pillugu inatsisartut peqqussutaat naapertorlugu meeqqamik pingasut inorlugit ukiulimmik ilaqutariinnut inissiisoqartillugu, meeqqap tiguferanut atatillugu, angajoqqaarsiat arlaata sulinngiffeqarnissaa, kommunalbestyrelsi aalajangiivigisinnaavaa.

Imm. 2. Meeraq, ilaqutariinnut innissinneqartoq, pingasut aamma aqqaneq-marluk akornanni ukioqarpat, sulinngiffeqarneq sapaatip akunneri marluk angullugit sivisussuseqarsinnaavoq.

Imm. 3. Imm. 1 imaluunniit 2 malillugu sulinngiffeqarneq taamaallaat akuerineqarsinnaavoq, inissiineq ukioq ataaseq sivisunerusumilluunniit sivisussuseqassappat, tamanna meeqqanik inuusuttunillu ikiorsiisarneq pillugu inatsisartut peqqussutaanni iliuusissatut pilersaarusiornermi aalajangersakkat naapertorlugit pisinnaavoq.

§ 2. Kommunalbestyrelsi sulinngiffeqarnissamut akuersissuteqarsinnaavoq, meeqqamik paarsinissamut akuersissuteqarnermi, angajoqqaarsiat arlaata angajoqqaarsianngornermi meeqqap angerlarsimaffimmi paarineqarnissaa, meeqqamut pisariaqartoq kommunalbestyrelsi nalilerpagu.

Imm. 2. Angajoqqaarsiat, angerlarsimaffiup avataani tamarmik suliffeqarpata, arlartik sulinngiffeqassanersoq, namminneq aalajangissavaat.

Imm. 3. Kisimiittumut paarsinissamut akuersissummik tunniussinermi, angerlarsimaffiup avataani suliffeqartumut kommunalbestyrelsi sulinngiffeqarnissamut akuersissuteqarsinnaavoq.

Imm. 4. Angerlarsimaffiup avataani suliffeqarnermut ilaapput aalajangersimasumik suliffeqarneq, atuarneq, ilinniagaqarneq, il. il.

§ 3. Meeqqamik ataaseq inorlugu ukiulimmik ilaqutariinnut inissiisoqartillugu, nalinginnaasumik piffissaq sulinngiffeqarfiususaaq tamakkerlugu sulinngiffeqartitsisoqartarpoq, tamanna Naartunermut, erninermut meeravissartaarnermullu atatillugu sulinngiffeqartarneq ullormusiaqartarnerlu pillugit Inatsisartut inatsisaanni § 7 imm. 1 aamma 2 naapertorlugit pisinnaavoq.

Imm. 2. Meeqqamik ataaseq pingasullu akornanni ukiulimmik ilaqutariinnut inissiisoqartillugu, sulinngiffeqarnissap sivisussusissaa meeqqamut iliuusissatut pilersaarusiaq tunngaviususaaq naapertorlugu nalilersuereernermi akuersissutigineqartarpoq, tamanna meeqqanik inuusuttunillu ikiorsiisarneq pillugu inatsisartut peqqussutaat naapertorlugu pisinnaavoq.

Imm. 3. Meeqqamik pingasut aamma aqqaneq-marluk akornanni ukiulimmik inissiisoqartillugu, sapaatip akunneri marluk angullugit sulinngiffeqartitsisoqarsinnaavoq, tamanna § 1, imm. 2

naapertorlugu, meeqqamik ilaqtariinnut, siornatigut meeqqap attaveqarfigisimanngisaanut inissiisoqartillugu.

§ 4. Akissarsiortut, § 1, imm. 1 imaluunniit 2 naapertorlugu sulinngiffeqartut, piffissaq meeqqamik tigusivissartik sulinngiffeqarfissamillu sivisussusissaa, pineqartup paasiniariarpagu tamanna sulisitsisorisamut nalunaarutigissavaa.

Imm. 2. Sulisitsisorisamut nalunaarnissaq pissaq piffissaq sulinngiffeqarfiusussaq kingusinnerpaamik sapaatip akunnerinik arfineq-pingasunik sioqqullugu. Pinartumik pisoqartillugu piffissaq sulinngiffeqarfiusussaq sioqqutitsiarlugu nalunaarutiginnineq pisinnaavoq.

Atuutilersinneqarnera

§ 5. Nalunaarut manna 1. marts 2010-imi atuutilissaaq. Ilutigitillugu naartunermut, erninermut meeravissartaarnermullu atatillugu sulinngiffeqartarnek ullormusiaqartarnerlu pillugit Inatsisartut inatsisaat nr. 40, 23. december 1996-imeersoq atorunnaarsinneqarpoq.

Kalaallit Nunaanni Namminersorlutik Oqartussat , *ulloq 26. februar 2010*

Maliina Abelsen

/

Konny Olesen